

道門科範大全集卷之十二十一 合四

廣成先生杜光庭明定

靈寶太一祈雨醮儀此醮不開涉九皇凡  
分道場俟後壇圖可使十二分上等紙札  
不許公吏上塔與事此醮大有感應可作  
十二位座位  
不許苟簡

降真香 沉香  
龍涎香 清木香 不用檀香有時天條違者奪算

靜夜行道

法事陞壇如式

都講舉各禮師存念如法

高功宣衛靈呪

青陽虛映 耀日回靈 神虎辟邪 飛天流鈴  
摧奸滅試 萬魔束形 九微迴道 八威攝精  
千真校錄 三元蕩清 左嘯中黃 右策六丁  
七轉八合 周旋天經 聖化巍巍 大道興行  
慶雲流布 合景黃庭和輿道合真

都講舉鳴法鼓二十四通

高功發爐

無上三天玄元始三炁太上老君召出巨法  
衆等身中三五功曹左右官使者左右捧香  
驛龍騎吏侍香金童傳言散花玉女五帝直

符直日香官各三十六人出者嚴裝關啓

此間土地正神臣今靜夜燒香行道謹有某

州某伏為當境自屆陽春久衍膏雨夏云自  
久愆甘雨秋云自愆嘉雨請臣等於某處開建靈寶  
局尚秋久愆嘉雨請臣等於某處開建靈寶

太一祈雨道場罷散設醮一十二分仰祈真

造俯察愚衷施甘澤以霽流副黎元之涸望

其諸誠懇具載青詞願得

太上十方正真生炁下降流入臣等身中令

臣所啓之誠速達

上清紫微碧玉宮太一天帝 御前

都講舉請稱法位

具位臣某與臨壇官衆等謹同誠上啓

上清紫微碧玉宮太一天帝紫微碧玉宮

內院左仙龍王紫微碧玉宮內院右仙龍王

太一真官天順君太一清靈寶真人東嶽

天齊仁聖帝江濱昭靈亭應威烈廣源王內

院直事一使者內院直事二使者內院直事

三使者日直功曹當所土地三界應感一切

威靈巨闡五方雲篆實保家寧國之先三洞

明科迺濟物安民之要人天仰賴今古攸遵

上調列宿之差躔下應群生之溼禱切惟當

境自屆某時雨既愆期稼將就槁憂方深於

禱壑功莫遂於田疇仰惟

上帝之好生忍視下民之就死故紆誠懇冀

獲殊休伏願天鑒順臨道恩善覺雲升氣上

指揮山澤之靈甲折勾萌沐浴江河之潤凡

有懇悃敢不上聞齋意心詞謹當宣奏

宣詞

請官上香

詞意具宣齋誠必享巨聞龍之飛躍運變化

之無方物有始終顧生成之有待既籲天之

瀝懇將指日以迎休以今陞壇行道請法衆

等連茲初拾上香願此香煙騰空徑上

上清紫微碧玉宮供養

太一天帝合坐高真巨等歸身歸神歸命

大道願以是捨香功德奉為某祈求雨澤溥

濟農耕願推變化之神用救早乾之歲沛然

下雨大為三日之霖俾彼甫田遂獲千倉之

稼今故燒香自皈依

師尊大聖衆至真之德得道之後昇入無形

和與道合真

臣聞一炁肇分群生以立運五行而化育幹  
四序以推遷開國承家仰聖真之垂範安人  
利物惟至道之流恩故太上開析謝之門俾  
下民有號呼之路適遇早乾之變恐妨播殖  
之功州縣官云嗟吏治之不良慈民飢之無  
告雖遍求於靈迹尚未作於油雲恭叩  
天慈乞回洪造以今陞壇行道請法眾等運  
茲二捻上香願此香煙騰空徑上

上清紫微碧玉宮供奉

太一天帝合坐高真臣等歸身歸神歸命  
大道願以是捨不功德奉為某淨嚴公守數  
設壇場祗奉高真宣揚祕典冀動清明之鑒  
潛消亢旱之災興彼慈雲大霽霽露之澤成  
斯嘉穀遂為富庶之秋今故燒香自皈依  
師尊大聖眾至真之德得道之後昇入無形  
和與道合真  
臣聞五行相沴茲水旱之為災萬物流行乃  
榮枯之有數比愆甘雨將害豐年非禪蠲潔  
之誠曷冀霑濡之澤以今陞壇行道請法眾

等運茲三捻上香願此香煙騰空徑上

上清紫微碧玉宮供奉  
太一天帝合坐高真臣等歸身歸神歸命  
大道願以是捨不功德奉為某資奉真靈請  
求惠應願星光回照道廢興慈勅彼百神助  
舉施生之職沛然三日願觀沾足之期今故  
燒香自皈依  
師尊大聖眾至真之德得道之後昇入無形

唱方 懺方

臣聞至真大聖需惠澤以濟人无極元尊扇  
祥風而育物是以十回演化九等垂科開廣  
大之法門洒慈悲之甘露示之宥罪許以求  
哀今某肅建道場虔齋法信皈依  
上清紫微碧玉宮太一天帝闔坐高真伏  
願尋聲赴感應念垂慈官吏云吏精愆尤  
少寬於威怒民罹飢饉冀終格於豐登齋功  
廣被於無邊法雨溥霑於一切得道之後昇  
入無形和與道合真  
知磬舉三格 三禮  
重稱法位

具位臣某等謹同誠上啟

上清紫微碧玉宮太一天帝闔坐高真臣  
聞上天亢旱瞻雲漢之昭回下土焦熬歎水  
源之枯竭不見鶴鳴之候但懷狼顧之憂度  
命羽流潔嚴公守演揚奧典冀涖殊休邈天  
德之未回揚危衷而增懼今則再嚴法會肅  
建壇場仰百靈降鑒之恩俟一念潛通之應  
則上明  
天帝大慈之澤下副臣等請禱之誠謹啟以

聞

知磬舉十二願  
都講舉存神燒香  
香官使者左右龍虎君侍香諸靈官當令臣  
道場之所自然生金液丹碧芝英百靈眾真  
交會在此香火爐前上願高真降福率主蒙  
恩十方仙童玉女接待香煙傳奏向來所啓  
之誠速達  
上清紫微碧玉宮太一天帝御前  
知磬舉小學仙讚  
道門科範大全集卷之十